

BAKURUBASANNI


(nimoro 12 songo)

Mali kono = Dorome 300

Afiriki kono = Dorome 600

Jamana were = Dorome 1000

Nowanburukalo san 1998



Kunnafonisében bota kalo o kalo.. BP: 24 Telefoni : 21-21-04. Bozola Bamako-Mali. San 26nan boko 322nan A songo : dorome 15


Ntarala koɔrjinini ciyakeda ye san 50 soro

Maliden caman be Ntarala dugu dɔn waatiyelema kadara de kono, bawo sanga ni waati bɛe an b'a mɛn arajo la ko sanji ni sumaya be Ntarala dugu kono.

Ntarala be Kucala tilebinyanfan na ni kilo 45 ye. Dugu in be sanji min soro san kono, a ka ca ni Mali seleke naani bɛe ta ye. San kalo 12, sumaya be Ntarala. O ji n'o sumaya kera sababuye Faransijamana nininikela dɔw k'u ka koɔrisene ninini daga sigi Ntarala kabini san 1948, n'o san 50 ye ninan ye.

Ntarala dugu tɔgo yere bora koɔrisi dɔ de la, min sifilela a dugukolo kan. Djin kono bi, Tumutu ni Jene duguw dɔnnen don cogo min na seko ni dɔnko sira kan, Ntarala fana dɔnnen don o cogo kelen na djen fan tan ni naani koɔrisannaw fe.

Hakililajigin na, jɔyɔrɔ 5 nan be Mali bolo djen kono koɔrifeere la. Min ye koɔrisene ye, jɔyɔrɔ 13 nan b'an ka jamana bolo djen seleke naani bɛe la. Ntarala yere ye koɔrisi ye, min lakoɔnen don kosebe n'a ka di fana jamana 40 ni ko koɔrisannaw ye, Lamerekɛnjamana ni Itali ni Tayiland taw be minnu na, n'olu ka koɔri numanko te dɔɔnin ye. Faransi mogɔ faamuyalenw ye koɔrjinini seriwusi min sigi Kucala kerefe k'a tɔgoda Ntarala, o ciyakeda sigili ye san 50 soro ninan. An ka jamana fangaso ko Ntarala sigili san 50 nan



man kan ka dogo maliden si la, bawo jamanaden caman be Ntarala komɛn, nk'u t'a dɔn.

Ntarala sigili san 50 kunben gintanw sankorotara ni Mali togodaw yiriwali ni jiko minisiri Modibo TARAWELE n'a nɔkanmogɔ caman seli y'a kene kan, san 1998, nowanburukalo tile 7. Minisiri Modibo TARAWELE n'a ka jekulu taara fangaso ka foli ni tanuni ni walenumandon lase Ntarala nininikew law ni koɔrisenew ma, olu minnu m'u toto dugu in yiriwali la, fɔ ka n'a kunkorota di an ka jamana ma. Koɔri numan seneni sifileli baara folow kera san 1913 Banankoro dugukono Malila. Mintugura ola, okera san 1917 Dire kerefe dugu dɔ la, n'o be wele Waliji. San 1947 sifileli baaraw kera Kogoni. A jirala ko kabini Ntarala koɔrjinini ciyakeda sigira senkan, a dugukolo be laben sanga ni waati bɛe ka koɔrisi numanw laje a kan, soro lawe eli kadara kono. Minisiri Modibo TARAWELE y'a jira Ntarala sigili sanyelema seli gintanw senfe, k'ale ka

minisiriso hami ye Mali cikelaw ka soro jidili ye, min be se ka here ni ben ni lafiya d'u ma, k'u ka dinelatige nɔgɔya sira bɛe kan. Mali fangaso b'o kuntilenna min nɔfɛ, o te se ka soro fo cikelaw ka senefensi numanw ni baarakeminɛn numanw


soro, minnu be se ka ke sababu ye ka soro labugun.

Mali kono bi, koɔrisene jɔyɔrɔ ka bon jamana soro'n'a hadamadenya walew walwalannina. Jatemine y'a jira ko Mali ka kɔkan soro tilako 100 sigiyɔrɔma 50 be bɔ koɔrisene na.

O temennen kɔ, maliden miliyon 2 ni kɔde be baara la koɔrisene ciyakedaw la. minisiriy'a ka nisondiya jira N'tarala ka tɔgo n'a ka daradiya sɔrɔli la farafinna. baara la koɔrisene ciyakedaw la. Minisiriy'a ka nisondiya jira Ntarala ka tɔgo n'a ka daradiya sɔrɔli la farafinna. Ntarala nɛnajew kuncera sanji kɔrɔ ni foliw ni ladiyalifɛn dili ye dugu dabanjana dɔw ma, minnu y'u bolo mɔɔnɔ bɔ san 20 ni ko kono, koɔrjinini seriwusi no fe. Mali koɔrisene ciyakeda kuntigi Dirisa KEYITA ni Ntarala nininikeyɔrɔ sigibaga folo Zan MASA ka ciden, olu ye Ciwara ladiyalifɛn soro.

Mɔriba KULUBALI
Basiriki TURE.

BOLOCI DONBAW MALI KONG SENFAGABANA "POLIYO" BOLOCI



KUNFILANAN : SAN 1998, DESANBURUKALO TILE 12 NI 13.

Nafolodun kiiri



Musa n'a surunnadonnaw

Musa tarawele n'a furumuso n'a nōkanmōgōw ka nafolodun kiiri min daminēna san 1998, okutoburukalo tile 12, Bamako, «Pale de Kongere» la, an bē se k'a fōk'o kiiritige kera sēbe ye k'a damine okutoburukalo tile 27 la ni ko jubaju yēre nininkali ye, n'o ye Mali peresidan kōro Musa TARAWELE ye.

An b'aw hakililajigin ko Musa TARAWELE n'a furumuso Mariyamu SISOKO n'a balimaké Duwa Abarahamu SISOKO, n'a bē wele ko «ARAMOSI» an'u kokeñgōnw Céna Kulubali n'o tun ye Musa ka goferenamanlabannafolokominisiriye ani Musa KONE, n'o tun ye Mali waribonba banki «BDM» ka ciden yamaruyalen ye Pari, n'o ye Faransi faaba ye ani «ARAMOSI» teriké, olu nōminēna faso nafolo dunni ni nanbara ni yurugu-yurugu walew kōson.

Nininkali senfē, Musa y'a jir'a ka jaabi kōro k'ale n'a nōfemōgōw ka nafolow n'u bolofēn wdamantēmē jateminēna. K'a kē dijewuliko ye Mali kiiritigēlaw ni segesegelikēlaw bolo. Ak'olu kāko in tēfoiyebēnbenben kō.

Ak'u b'alejalakia ka wērēko min na, onafolo bēe bora Kodiwariperesidan kōro Fofoyi Buwanikun anibonyalifen caman wērew. Musa yēre ka foli la, Fofoyi dōron m'ale bonya ni lahawuta nafolo ye. Misali la, Makanjamana faama FAYISALI ye sefawari miliyari 5 ni tila d'a ma.

Emirajamana peresidan ye sefawari miliyari 3 ni miliyari 3 ni a la, faama wēre, a ma min tōgo fo, a k'o ye

sefawari miliyari 550 d'a ma.

Musa TARAWELE k'a ka foro labenni wari kasabi sefawari miliyari 250 tun ye peresidan Fofoyi Buwanī ka bonyaw kunfōlo ye, a ye min di ale furumuso Mariyamu ma; a ye bonya wērew tugu o la, sefawari miliyari 131 bē minnu na, n'o tun ka kan ka don Joliba babolo dō labenni baaraw dafé ka nēsin a ka foro ma.. Musa TARAWELE y'a jira ko sēben bē nin nafolow bēe la.

Peresidan kōro ko tuguni k'a furumuso ye dugukolo taari 100 nini Baginida cikēyōro kuntigi fē, min tun t'u ka wēre kēne dō ye. O yamaruyasēben dira Mariyamu ma. Musa wajibiyara kōfē k'a jira ko sōrōdasiw tun b'a ka foro labenni na, nka u m'a baara kē fu, bawo u sara dir'u ma.

A ye min d'o kan, o ye ko nafolo caman wērew dir'ale Musa yērekun ma, a ye minnu bila foroba kēsuw kōno.

Peresidan kōro Musa TARAWELE k'ale hawujalen tun te nofoloko la, k'o misali kē a banni ye a ka peresidanya togola wariwla, jamanakuntigi bēe ka kan ni min ye. A m'a ban min na, o y'a ka sōrōdasiya joyōro nafolow ye, a ni minnu ka kan. Min y'a ka nafolokow minisiri dō Janka Kaba JAKITE ka sefawari miliyari 45 dili y'a yēre tēge ma, Musa TARAWELE k'o tun ye fangatigiya nafolo kērenkērennen de ye, ale ni min tun ka kan, n'o dir'a ma.

Mariyamu SISOKO:

Musa TARAWELE bōlen kō yen, nininkali da sera a furumuso Mariyamu SISOKO ma. Mariyamu y'i sinsin Kodiwariperesidan kōro Fofoyi BUWANÍ ka fonisereya kan ale fan fē, k'o sababu bō ale fa joyōro la pariti «U.S.-R.D.A» sigili la sen kan san 1946 sanni a ka boli ka t'i nēmadogo Kodiwariperesidan kōro denmuso ye.

O yōrōla, an bē se k'a jate ko wēre labenni wari minnu dira Mariyamu ma Fofoyi fē, o te dōwēre ye bonya kō, Fofoyi ye min kē a teriké kōro denmuso ye.

Mariyamu y'a jira a ka kumaw kōnō, ko du cikēforo kow bēe nēnaboli tun b'ale de bolo, bawo waati tun t'a furucé bolo, o ka baara tun ka ca.

San 1998, nowanburukalo tile 10, a ka nininkali laban

Sariya

na, Mariyamu SISOKO jiginna ni barika ye Mali san 1991 marisikalowaati la fanga n'emogow ni jamana bilama n'emogow kan, k'u jalaki kosebe. A y'a fo ko jamana w're n'emogo do ye sefawari miliyon 550 latem'en zenerali Amadu Tumani TURE fe, a k'a di ale Mariyamu n'a



Mariyamu n'a surunnadonnaw

furuke ma, u ne ma da min kan halisa.

A y'a fo ko peresidan Alifa Umaru KONARE fana ye juru nini Kodiwari peresidan koro Fofoyi BUWAJI fe.

Mariyamu SISOKO y'a jir'a ko nininkali jaabiw senfe ko fen kelen min jore b'ale la, o y'a ka masirifew yeli ye, a taara ka minnu to Kuluba «Pale» la.

A surunnadonbaga do, n'o ye Magati SEYI ye, o ko faamaw tun ye fen minnu mine Musa TARAWELE n'a furumuso Mariyamu SISOKO la, k'u bila yoro k'enrenkerennen ni minen kerennen minnu kono, k'u y'olu bee da kari-Kuluba «Pale» la.

O koro ye ko caman tunnuna u la. Magati SEYI y'a jira kene kan mogow la ko Mariyamu ka masirifew kesunin fila be yen, nimoro te minnu na.

Fangaso ye jekulu kererenken min sigi senkan san 1991, okutoburukalo la, ka Kuluba «Pale» fen jateminé Musa TARAWELE ka fanga binnen ko, o kiiritigela do, n'o ye Beliko TURE ye, o ye Magati SEYI ka kuma son ji I., ko tine na, u ka jekulu ye masirifew jateminé folo 'o ke. O kofe, jekulu kererenken kelen in ye Mariyamu SISOKO ka masirifew bee bo jogon na kelen-kelen, k'u bil'u danma kesuw kono, ka nimorow sigi o kesuw kan.

A jirala ko masirifew ninnu yera Mariyamu SISOKO

k'o Kuluba «pale» la, sanuw ni warijew tulolanegew ni bolonanegew ni kannataw ni lulu ni marijanaw bee tun b'a la.

Jateminé y'a jira ko Mariyamu ka masiriw bee lajelen kasabi be t'i jo sefawari 473.751.115 la.

Mariyamu y're ka foli la, ale ka masiriw tilako 100 sigiyoroma 90 bee nin'ale la jamana w'rew faamabaw ni n'emogow fe ani mogo yeleke w'rew.

A ko ale ladiyabagaw bee ka sebenw n'u bolonow b'u ka masirifew dilenw kesuw kono..

Musa KONE :

Musa KONE tugura Mariyamu la nininkali kene kan. Maliwarisoba «BDM» ciden yamaruyalen mintun sigilen be Pari, o ye Mariyamu SISOKO ka wariw labo cogo min na Mali la, k'u fara a y're halala nafolow kan Pari banki la, a y'o kunkun n'a n'enjen tomo. A y'a nini k'a y're lajeya jalaki la, min binn'a kan, k'a jira ko Musa TARAWELE n'a furumuso kokengon don jamana nafolodunko la. Kiiritigelaw ka foli la k'a ta san 1988 na, ka t'a bila san 1991 na, a ye peresidan koro n'a furumuso ka nafolo kasabi min labo, o taar'i jo sefawari 75.441.862 la, sanni sefawari ka jaasi.

Musa KONE k'ale y'u ka wari min labo, o ye sefawari miliyon 50 ye, n'o tun te dower ye Mariyamu den fila Asa ni Idika lakoliwariw k'o an'u ka sosara k'u to Wasingtoni, n'o ye Lamerikenjamana faaba ye.

Musa KONE y'a jira k'ale y're tun be ladiyalifew di peresidan koro denw ma. O siratige la, san 1990 a ye banki wariseben do di Asa TARAWELE ma, min kono



Musa Kone n'a surunnadonnaw


wari tun ye sefawari miliyon 6 ye, tuma min na den in tun be baarakalan na Mali koorisene ciyakeda «CMDT» la. A ka foli la, Asa ko a ma warisèben in soro, bawo san 1991, marisikalo waatilafanga nemogow y'u tege d'a kan.

Taalen nefe, Musa KONE y'a jira ko wariyelema fen o fen ker'ale fe, a bee kera sariya sira kan, bawo u si ma ke Mali warisoba «BDM» kuntigi folo ninema, wa u bee ciwari sarala a cogo la. O tuma Musa KONE bolo n'o wale in ye nafolodun ye, o jalakitigw y'ale kuntigw ye.

Musa KONE ma dan o ma. A ko sefawari miliyon kemè yirika dama min yelemar'a fe, a ka konti la Faransi, o bee tun te Mariyamu SISOKO ta ye. Aletun be ne mogo caman ma Ala kama, i n'a fo maliden minnu be Libi jamana kan ani minnu sigilen be Faransi dogo la, n'u ka sebenw dafalen te. A tun be libikaw ka wariw falen, ka mogo dogolenw taw lase Mali la.

Duwa Abarahamu SISOKO :

Mariyamu dooko Duwa Abarahamu SISOKO



Duwa Abarahamu Sioko n'a surunnadonnaw

nininkalen a jalakikun kan, a k'ale te kuma ni jalaki binn'a kan letere saba minnu kunkoro, a ye yamaruya di minnu kono ka Mariyamu n'a furuke Musa TARAWELE ka Senkoro foro n'a were magone lahawuta taji hake nejogn lase k'a soro wusuru foyi ma sara, n'o letere lakikaw ma jir'a la. N'o te, a te jen ni letere ninnu ladegew ye, kiiritigelaw ye minnu d'a nekoro.

Ale «ARAMCSI» be min fe, a n'a baarakenogon koro Seku MAYIGA ni Alasani SENGARE ka sigi jen na, ka kuma. An b'aw ladonniya k'olu mogo fila welelen don seereya la kiiri in na.

CENA KULUBALI :

Cena KULUBALI min nininkara laban na, o y'a jira

Duwa Abarahamu SISOKO cogoya la, k'ale ye fen o fen ke Musa TARAWELE n'a furumuso Mariyamu SISOKO ye, a y'a ke sariya sira kan. Hali a ye nafolomugu



Cena Kulubali n'a surunnadonnaw

sefawari miliyon 60 min di peresidan koro ma a ka peresidanya baara nafoloko kerenkerennen siratigela, o konnen te sariya fe.

Musa TARAWELE n'a kokenojognw ka kiiri lajora ka tile 13 ke, walasa a furumuso Mariyamu ka masirifew ka se ka segesegé, i n'a fo a yere y'a nini cogo min na. Kiiri in y'a dadon tuguni,, san 1998, nowanburukalo tile 23, ni masirifew kofolenw jirali ye Mariyamu ni jama la peresidan Ilo SISOKO ka nemogoya kono. Kené kan Mariyamu y'a jira bee la ko masirifew 155 b'ale ka masiriw je. Tiribinali tun be jalaki bin mariyamu SISOKO kan waati min na, u y'a jira ko masirifew ninnu tun ye 982 ye, nka segesegeli min kera Mariyamu yere nena, a jiral'o senfe ko masiri ninnu hake jenjor ye 953 ye.

Mariyamu ma ban masiri jiralenw tigya ma, nk'a ma son u pesecogo n'u songokow de ma mogo faamuyalenw fe. Misali la, a y'a jira ko mogo faamuyalenw ye masiri kari-karilenw bee jate u danma fen ye.

A ko hali Kalana sanuboyoro kabakuru minnu dir'a furuke Musa TARAWELE ma ani a ka medayiw, k'u y'olu bee jate masirimafen nafamabaw ye, ka lahawuta wariw d'u kan.

San 1998, nowanburukalo tile 23 kelen in don, seerew lamenni daminera. Fen min mana b'o fana la, n'Alla sonna an n'o d'aw tulo kan Kibaru nimoro nataw kono.

Nanse SAMAKE
Basiriki TURE

Kibaru kanubagaw kuma yoro

Ka bɔ Kameruni

N e nisondiyalen bɔ nin bataki ci «KIBARU» ma, walasa ka dɔɔnin fo malidenw ye Kameruni ja m a n a seneñenw kan.



Bakari Sako

Ne bɔ Kameruni seneñko fanba dɔn ni fən minnu ye, o ye : kaba ni malo ni ku ni bananku ni woson ni tiga ni makabo ye. Dumunifénw na, ninnu de bɔ sene kosebe.

Min ye jiridenw ye, o fanba ye kafe ni kakawo ni awoka ni koko ni manje ni namasa nilenburuba ni mandereni ni buyagi ni panpilemusi ye. Nka mangoro man ca kosebe.

Bakari Sako n'a bɔ wele ko Mani Batakongo-Duwala BP 11.073- Kameruni.

Ka bɔ Dogo

A jirala k'a fo ko «Balikukalan togoladonba ye setanburukalo tile 8 ye Mali kono ani dijé seleke naani bɔe la.

Tiñe yere la, o ka kan ni k'e ye, sabu n'i donna senekeyorow la bi, ka jatemine k'e, i b'a don ko balikukalan kera kuranyeelen ye Mali kono.

Nka n'i ye ne Shaka nininka ne b'a fo ko halisa to bɔe balikukalan dondalali je Mali kono, sanko nemogow bolo. Misali la, n'i ye jatemine bi togodalamogow yoro, k'a damine «AW» baara la, ka t'a bila bagandogotroya la, nin baaraba bɔe bɔe ke bi anw wolokanw na. Nemogow ye dɔ k'e. Nka halisa u ka dɔ fara césirijala jijali kan. Ni dentaama furajinibaga den ma taama fɔlo, a kan'a fo k'a ye jiri caman kari, bawo a ma tila fɔlo.

Mogo min man'a fo k'a bɔe kunfiya k'e, otigiyebaaraba de d'a yere ma.

O tuma faso ye baara numan min jatige nin ye, Ala k'an deme a tiimeliko numan na.

Balikukalan dondalali ma dafa, barisa n'i sera an ka cikeyoro caman na bi, halisa yenkawtə sek'uka sanjurutalen jateminé u yere ye, k'o sababu ke kalanbaliya ye. Uka baaraw bɔe bɔe ke «AW» sekereteriw ni mogo yeleke wərew fe, minnu t'u ka cikeda mogow ye. Ne b'a nini jamana nemogow ni balikukalan taw fe, u ka dili kuraw don balikukalan koro togodaw la. O wale te se ka taa karamogo faamuyalenw sɔrɔli k'o, minnu b'u ka baara don kosebe. An y'a kɔlosi ko mogo caman be karamogoya la dugu caman na, minnu t'u ka baara don kosebe. Dɔnniya min te mogo la, a te se k'o di mogo wəre ma.

N b'a nini bɔe lajelen fe fana, an karamogow ka kan ni bonya min ye, o ka d'ukan. Jamana nemogow k'u seko damajira bɔe ke balikukalan karamogow ka sègen dɔnni na u ye. Hali n'u te sara baara in na, ni bonya dar'u kan, o bɔ se k'u diya don u yere la, k'u nimisi wasa.

**Shaka JARA
Balikukalan karamogo
Korokoro - Dogo- Buguni**

Dirisa Togola ka letere jaabi.

Dirisa Togolani balikukalan Karamogo don Bonwu-Banko, o ye bataki ci Kibaru nemogoso la, a y'a jira min kono ko k'a ta san 1997 desanburukalo la, ka n'a bila san 1998 ɔkutoburukalo la, a m'a ka bakurubasanni kibaru ni mɔrɔw sɔrɔ.

A k'o ye fən ye, min be k'ale timinangoya kosebe, bawon'iy'i halala wari sara k'o don san kelen bakurubasanni dafε, k'i t'o kunnafonisèben soro a waati la, o ye fən ye min man ni.

An bɔ Dirisa Togola ladɔnniya k'a n'a nɔgɔn caman, minnu ka kibaru ko sirilen don ciyakedabaw la, i n'a fo «CMDT» cikelaw ni kenyereye jekulu wərew.

Nka an b'a nini kibaru kanubagaw

n'a lafasabagaw bɔe fe u k'u hakilisigi, bawo dɔñsen kura bɔna don u ka kunnafonisèben laselicogo la u ma. O siratige la, Mali kunnafonisèbenw cikeda kuntigi ni Mali kɔrisenènaw ka sèriwusi «CMDT» nemogó do, ka fara dɔñko ni sekokenyereyejekulu «JAMANA» kuntigi kan, olu ye nɔgɔn ye feere kuraw bolodali la «KIBARU» ni «JEKABAARA» laseli la konuman ani joona u kalanbagaw ma.

N'o feere tigelenw sera ka waleya a cogo la, a ka c'la, an bɔe na wasa ni kunkorota sɔrɔ togodalamogow bɔli la kufan na u ka jamana ni jamana wərew kibaruyaw sɔrɔli la.

Kɔrisenènaw ka «AW» bɔna sinsin.

San 1998, nowanburukalo tile 5, Mali kɔrisenè ciyakeda «CMDT» kuntigi ni Faransi yiriwali keso nemogomin be Mali la, olu y'u bolono bila bɔnkansèben do la, min kɔñko kalanini ye Moti kɔrisenènaw ka jekulu ni tɔn werew demeni ye ni sefawari miliyɔn 2 ni miliyɔn 25 ye.

Deme in fanba bɔna nesin «CMDT» kɔriseneyorow ka duguyiriwatɔn «AW» 3 700 ka baaraw jiidili ma. Walasa duguyiriwatɔn ninnu ka se k'u ka baara ketaw bɔe tiime konuman, k'u ka kow bɔe nɔnabo k'a soro u ma siri mogo yeleke wəre la, a jirala k'o te se ka sira sɔrɔ fo baarakeminen numanw ka d'u ma.

Nafolo in kufɔlɔ bɔna don baara minnu dafε, o ye duguyiriwatɔn kura 1500 nɔgɔn sinsinni yesan 3 kuntaala kɔñcan'uka baarakela faamuyalenw labenni walasa u ka se k'a u ka «AW» kow bɔe nɔnabo laadiriya ni jelenya ni faamuya sira kan. A jirala ko «AW» baara nafama ninnu bɔe nemogoya bɔe di Mali kɔrisenè ciyakeda «CMDT» ma. Bɔnkansèben in ye feere wəre boloda n'o ye sefawari miliyɔn 250 diliye «CMDT» ma, a bɔ se ka deme don kɔrisenènaw ka jekulu ma ni nafolo min ye, n'u y'a kanu k'u sen don «CMDT» labaarali la. U ka jekulu ka jagokun bɔ se ka b'o wari la.

Basiriki TURE.

Jo ngarangaw ye tijenaw ke San

Ninan samiyelabankoma ne San mara cikelaw bolo, bawo jo ngarangaw jiginna Zalogoso ni Moribala ni Noncoroso ni Bobola-Zangaso keninge forow kan, k'u bee tijen.

Mali togodaw yiriwali ni jiko minisiri Modibo TARAWELE yere taar'a nedangarangaw tijeninowkan dugu ninnu kono.

Jo ngarangaw ye danfen fitininw ye, minnu ka tijeni kasaara ka bon n'u yerekunw ye.

Ajirala ko fennemma ninnu jiginna foro taari 21.000 minnu kan, taari 7659 doren de kisira, bawo furaw ker'olu la joona. Nka n'an ye taari hake tijenen j'okoro, an b'a ye konin wale kera San mara cikelaw bolo jigitigekoba ye.

A be senekelaw jigitigekun bo, bawo dugu kofolen ninnu cikelaw bee ka balo folo ye keninge ye. O temennen ko, u ka forow tilako 100 sigiyoroma 50 senefen bee ye keininge ye, min ka di fennemama sugu bee ye, n'a b'u ka bila la fana.

Kasaara in balala cikelaw la, barisa ngarangaw be deli ka jigin forow kono waati min na, u ma jigin o waati. Ob'a soro, to be sanji la, n'o y'u gosi siye kelen walima siye fila, u be sa. Furadumanba min b'u la o ye sanji ye, bawo si t'u la.

Nka ni ngarangaw firila keningesunw kan, u be bagaji do b'u da, u be min seri kalaw juje fo k'u ja.

A kolosira ko fennemama ninnu konna u nawaati ne ninan. Misali la, u nali taara ka Noncoroso senekelaw bolo dan, hali u ma se ka foyi ke, k'u kunben. Yenkawy'u joka ngarangaw laje forow tijeni na.

Mogo faamuyalenw ka foli la, jo

ngarangaw bugun ka teli fo k'a damatem. A musoman kelen be se ka den keme wolo tile kelen kono, minnu bebalikuya dogokunkelendoron kono. U ka teliya, ka bo yoro do la, ka yoro were lasoro, o misali ye keninge forow taari caman tijeni y'u fe lere damado doren kono.

O teliya kelen de be jo ngarangaw kelelligelya. Kenningesunw kundama fana ye gelayaba ye (metere fila) ngarangaw keleli la, bawo fennemama fagalanzji be ke bara minnu kono, olu te se ka layelen cikelaw fe ka n'sunw kundama soro.

Cikelaw ka minisiri sera kasaara dugu ninnu fen o fen kono, a ye kasaaratow laadi, k'u n'u hakili jira nogon na. Minisiri Modibo TARAWELE ye hakilisigi kumaw lase cikelaw ma, a y'a lase kuma minnu kono ko Mali koorisene ciyakeda «CMDT» ni cikelaw yere demeni seriusi werew ka fara ale yere ka baarada kan, u tene folu ka deme ko abada.

A jirala San cikela kasaaratow la, ko jemogow ben'a lajeji nemajolen na, u ye cikeminew ni suman furakelan minnu juruta, o sarali be se ka nogoy'u bolo cogo min na. «CMDT» kuntigiba Dirisa KEYITA ye layidu were t'u ye, min y'u ka koori wari sarali ye joona, walasa u ka se k'u dahirim soro.

Minisiri Modibo TARAWELEY'a, nini cikela tow fe, minnu ka samiyelena, u k'u jija k'u balima kasaaratow deme ni suman sanni nogoyal ye. U ka balo feere kasaaratow ma danogn na.

A jirala ko San mara cikelaw kunnadiya yoro yeminye, nongaranga ninnu ka tijeni ma se sajo ni kaba ni koori ni suman werew ma.

Moriba KULUBALI
Basiriki TURE.

Negejurusiraw bena Mali togodaw bo kelennasigi la

San 1998, nowanburukalo tile 4, Mali minisiri ka laadala tonsigi senfe, minisiri jekulu jennna ni negejurusiraw laseli ye Sikaso ni Kucala wulakononaw na.

An b'aw hakili lajigin ko Mali negejurusoba min togo ko «SOTELIMA», o ye feere boloda negejurusiraw laseli kamajamana duguw kono, minnu lasoroli ka gelon kosebe, k'a sababu ke sirantanya ye. N'an y'a lajeji nemajolen na, o dugu fanba be wulakononaw de la.

Min ye Sikaso mara wulakonona negejurusirako ye, talifonijuru 299 ni forobatalifoniciso 15 bena laben yen togoda 17 kono.

Kucala mara ta ye talifonijuru 579 ni forobatalifoniciso 25 ye, minnu ka kan ka sigi yen togoda 24 kono.

A jirala ko «SOTELIMA» bena nafolo kasabi min don talifoni baara in dafe, juru don, a ye min ta Faransi ka yiriwali kesu fe, n'a hake ye sefawari miliyari 1ni miliyon 599 ye.

Baara in kalifara talifoni baarada «ALIKATELI» ma, k'a kuntaala ke kalo 9 ye.

Basiriki TURE.

Minisiri Modibo TARAWELE taara bɔ «CMDT» baarakelaw ye

San 1998, nowanburukalotile 10, Mali cikelaw ka minisiri Modibo TARAWELE taara bɔ jamana koɔrisene ciyakedaba «CMDT» baarakelaw ye.

Minisirika taama in kera «CMDT» la, nk'a nisondiya n'a wasa kera San mara senekelawta ye, nɔngarangaw ye minnu ka keninge forow bɛɛ tijɛ, k'u dahirimɛ jɔrɛ k'u la kosebe.

Mali senekelaw ka nɛmɔgɔba fila ninnu, n'o ye minisiri Modibo TARAWELE ni Dirisa KEYITA ye, olu tun ye layidu min ta Zalogoso ni Moribila ni Nɔncɔrɔso ni Bobola-Zangaso kasaaratow ye, an bɛ se k'a fɔ k'o layiduw tiimera nin don in na.

Mali koɔrisene seriwusi kuntigi Dirisa KEYITA ye San mara cikela degunnedew ka suman furankelanw juruw bin, «CMDT» ye min don u la, walasa u ka se ka kɔnɔw ni ngarangawnifenzienamajuguwerew kɛlɛ, n'o kasabi bɛ t'i jo sefawari miliyɔn 37 ni kɔ la. Min ye goferenaman niyɔrɔye, okasefawari miliyɔn 2 ni kɔ juru min tun b'u la, o fana jɛnn'o kɔ.

Taama in senfe, minisiri ni «CMDT» baarakelaw ye kumajogonya kε u kunkown'ufelaw kan, u ka ciyakeda labaaracogo numan ko la.

U da sera «CMDT» labaarali nafolokoma. Oyɔrla, Dirisa KEYITA y'a jira ko bi ka fisa, nka o n'a taa bɛɛ, a bɛ min nini jamana fangaso fe, o ye «CMDT» dugu dɔw yiriwalitɔnw bilali ye sira numan kan, bawo u ka waribaaracogo man ni, jelenya t'a la.

Ajirala k'an bɛ don min na, i ko bi, «CMDT» cesirilen don cogo min na jateminemans in baaraw fe, a bɛna kɔbɛɛ kewulalɔnɔ siraw fana labenni na, walasa yɔrɔw bɛɛ ka lasɔrɔ joona ani ka senefen rafama werewjensɛn, i n'a fɔ : ncɔgɔn ni soza ni bɛne ni sɔmɔ, minnu bɛna cikelaw ka sɔrɔw dafa.

Dirisa KEYITA ka foli la, «CMDT» ye nafolo min ladon cikelaw kun ninan, uka dijɛlatige nɔgɔyalikadara



Minisiri Modibo TARAWELE

kɔnɔ, o te kɔlɔkɔlɔ wariye. «CMDT» Baarakelaw ko haminanko min b'u la, oyefangasoni "CMDT" nicikelaw ka bɛnkanseben lakurayaliye, bawo bɛnkansɛnben kɔrɔ dagunna.

Koɔrisenenaw ka sɛndika nɛmɔgɔ Abudulayi SILA ko : ɲununjunun kan do ser'u ma, mɔgɔw bɛ k'a fɔ min senfe ko Mali b'afe ka "CMDT" latemɛn kenyereyew ka bolo kan. Minisiri y'a jir'a ka jaabi kɔnɔ ko "CMDT" tɛna foyi ye a baarakelaw niñema. O temenni ko, "CMDT" latemenni kenyereyew ka bolo kan, ale ka minisiriso m'a kuma bɔ a da sanko goferenaman, bawo kɔri n'a majogɔlɔnw nafa dogolentɛ mɔgɔsi la Mali kɔnɔ. Mali bɛ fɛn minnu feere kɔkan, o tilako 100 sigiyɔrɔma 65 ye kɔri ye.

Minisiri Modibo TARAWELE ye "CMDT" baarakelaw hakilisi, k'a niñu fe u ka fangaso dɛmɛ an kunkɔrɔta n'an ka waso ciyakeda in ka nɛtaa sabatili ye.

M. KULUBALI
Basiriki TURE.

Farafinna tiga

San 1998, ɔkutɔburukalo la, Afiriki tilebinyanfan n'a cɛmanceyanfan jamanaw ye nɔgɔnye kɛrenkɛrennen do ke Bamako, min senfe u y'u hakilijagabo geleyaw kan, minnu kɛlen don ka tigasene bali ka yiriwa an ka mara kofɔlen ninnu kɔnɔ, ani k'a laje ji nɛmajolen na feere minnu bɛ se ka tige tigasene lawereliko la.

A jirala ko tiga bɛ sene k'a feere kofe jamanaw kan Afiriki mara in kɔnɔ, a ka ca ni san 150 ye bi.

San 1960, Malika fɛnfeeretaw jamana kɔkan, o tilako kɛmɛ sigiyɔrɔ ma 38 tun ye tiga ye.

Nka ohakɛdɔgɔyara kosebɛ san 1968. U y'u jija ka dɔnsen kura don tigasene kɔrɔ fɔ k'a sɔrɔ labugun ka se tɔni 160.000 ma san kɔnɔ, san 1970 waatiw la.

A kɔlɔsira ko tigasene sɔrɔ jaasili Afiriki

kɔnɔ, san 20 laban ninnu kɔnɔ, o ju bɔra a sɔŋɔ binni de la dijɛ kɔnɔ. O fana ma sɔrɔ dɔwɛre fe tulu kuraw sɔrɔli ko, minnu da ka di, n'u bilala tigatulu nɔnɔ.

O de kɔson Bamako tɔnsigilaw ye Afiriki tilebinyanfan tigaseneko jateminɛ, k'agelya siraw bɛɛ kunkun n'u nɛnjen tɔmɔ ani ka bolodinjɔgɔnma walew boloda jamanaw ni nɔgɔn ce, walasa u ka se ka geleya ninnu kurutige tigasene sabatiliko la.

A jirala ko tigasene yiriwali sirilen don nininiyɔrɔ kɛrenkɛrennen do labenni na Afiriki mara in kɔnɔ, min ka bara bɛna nɛsin tigasi numanw ni tubabunɔgɔ numanw ni tigasunw ladonni kojuman ma.

Basiriki TURE

Mogo seegin bɔnəna u ni na babolo kelen nɔfə Kolongotomo

San 1998, setanburukalo kibaru nimoro 320 nan kono, a jiral'aw la ko Mali nemogow jorelen don cogo min na, dugukoloko fitine na, o kera sababu ye jamana fangaso ka laje dɔke o kalo kelen na Moti, min senfe a ninina kiiritigelaw ni sariyatigw bœ fe, uk'uhakilijagabo feerew kan, minnu be se ka ke sababu ye ka dansigi dugukoloko kelle la.

Moti laje temennen ni kalo fila dɔron ye, an ma bɔkari la ka nteneñ soro, san 1998, nowanburukalo tile fɔlo, lahansara waati, Kolongotomo dugu fila, Siranikoro ni Kayobozo, Kemasina sérkili kono, olu sera nɔgon ma babolo dɔ nɔfə.

Fɔnjogonko in juguyara kosebe, bawo mogo 8 ni tora a kene kan, ka mogo 27 jogin.

Joliba babolo dɔ monni nana ni fitine ye dugu fila ninnu ni nɔgon ce.

A jirala ko kabini san 1934, an ka jamana marabaga Faransi ka ciden yamarualen min tun be Kemasina, o ye babolo in danfara Siranikoro ni Kayobozo mɔgɔwni nɔgon ce, bamɔn kama, walasa si kana don si gasi la. U ka yeresagoke dabila ka ko to

nɔgon ta la, ka nɔgon bonya.

Babolo in dance bora ni dugukolo ni cencenfu min ye, finge ni sanji ni waatiyelma ma to t'o la.

San 1995 y'a soro babolo danfara taamashiyenw bœetununna. Otununni wolola kelle ni wɔyo banbaliw la siginjogonw ni nɔgon ce. A ma ne, u ye nɔgon ce ka taa «bɔgojeninen» kan Kemasina kiiritigeso la.

Masina kiiritigela seginna san 1934 kiiritigecogo kan. Kiiri dadiyara kayobozo dugu la. O ma diya Siranikorokaw ye, u seginna kiiri kan sanfe kiiritigeso la; o fana seginna Masina kiiritigeso ka fɔlen kan. Siranikoro ye ko bœe ka, u ma se k'u sago soro.

Kayobozo dugu hakilisigilen ko jo dir'u ma sariyabolow bœ fe jamana kono, u ye balan dɔ dilan jegew marali kama, k'o sababu ke jege dogoyali ye jijigin koson. Siranikoro y'o wale jate jomaya ni dogomayali ye. Otuma, u ye feere bœe do siri tasarali kama. U k'u te son Kayobozokaw ka nedonna ma cogosi la. U y'u laben dogo la, ka marifawnibesewni sɔgɔlanw niberew ta k'u kunda Kayobozo dagaw kan.

Siranikorokaw taar'a soro Kayobozokaw be k'u kono. U ye katabanaani wuli, ka nɔgon faga, ka nɔgon jogin.

Segu gofereneri ni finitigiw ka fara Masina ni Marakala taw kan, olu ma kɔlɔkɔlɔ taakasegin ke dugu fila ni nɔgon ce, delili la. O si m'a to u ka sabali. Tuma min na, Siranikorokaw k'u be taa Kayobozo buguw jeni, kabini u ye sandaramuw jolen soro ni marifaw ye k'u kono, u seginn'i u ko.

N'o te gofereneri ni Segu kiiritigesoba kuntigi ni Masina kumandan ni mogo yeleke wœre si ma se ka dugu fila ninnu bɔnɔgonna, k'u lasabali.

Nin ye ko ye mɔgɔw te min dan dɔn, sanko a labanko. Malila bi, duw, kinw, kabilaw ni dugu caman be fo nɔgon ko, fo ka n'a laban ke tñen i bɔgo-bɔgo y'u ni nɔgon ce. Furuw be sa; siginjogonya be nagasi. Si t'a fe ka siye. A ka c'ala ni Moti laje ka ninitaw sera ka waleya dugukolo fitineko la Malikono, hère na don anka togodaw la.

A. O. DOLO
Basiriki TURE.

Jeges posonima be ka kasaara lase Benen

Benen jamana saheliyanfan mɔgɔw be jeges minne ni kɔri furakelan posoni ye. Uweme baji min janya ye km 510 ye, n'a nɔgon te Benen jamana kono, o babolo dɔ kan, ciklaw be posoni mugu ke ji la, ka jeges salenw minne. U mana mugu ke baji la, u be soro ka bere dɔ ta k'o munun n'o ye, fo ka posoni bœe jigin ji jukɔro. U b'u jo; ni waati sera jeges fen ofen mana ke o yɔrɔla, posoni b'olu bœe faga, k'u fogon ji kunna. U be soro k'o jegesuw ta ka t'o feere wali k'u dun. Ko in juguyayɔrɔ ye fen min ye, cikela ninnu yereb b'a dɔn k'u be ka posoni de ke bajila, min temimafensito. Nka on'a taa bœe, u t'a dabila.

Kɔri furakelan ye posoni ye, n'i y'a ke bajila, fen ofen be ninakili, a be finge tige o bœe la, k'u bœe silatunun.

Benen bamɔn kɔnenabo jekulu mogo dɔ, n'o ye Sènpilisi SOGAN ye, oy'a jira ko benenkaw dɔron ka baara te bamɔn ye posoni na. A ko dunan yelekew b'a

la, i n'a fo nizerikaw.

Dugukolo n'a kanfenw lakanabagaw ka foli la, posonimugu min be ke ka jeges minne, a ka jugu ji jukɔro fénw ma, i n'a fo jegew n'u fanw ni saw. A te dan olu dɔron ma, bawo a jirala ko Benen dugu dɔ la, n'o ye Dunkosa ye, ko posoni ye misi 20 nɔgon faga, minnu y'u min Tasine baji la. Yɔrɔ kelen in na, du kelen mogo caman bɔnəna uni na, barisa u ye jegesuw dun, posoni ye minnu faga baji la.

A kɔlsira ko nin kasaaraw si te ka bamonnaw segin u kɔ, u ka sabali ka nin wale jugu dabila. U caman dalaminsekala ye k'olu be wɔlow ni kono caman sogo dun, minnu b'u kono fa don o don sumankisew la, posoni kera ka minnu furake forow kono; nka o m'olu faga fɔlo. O tuma u be min nini jeges dunbagaw fe, u k'u nogow n'u bow bœe bɔ fɔlo sann'u k'u dun. Bamonnaw k'odorondeb'ukisiposoni ma.

An be don min na, i ko bi, kangari sugu

beebeka da tñenikela ninnu ye, fangaso be k'u laadi, k'u lafaamuya u ka nibo wale jugu in dabila, bawo bamɔn keli ni posoni ye, sanko kɔri furakelanw, o konnen don Benen jamana kono kabini san 1966.

A be fo ko : «deliko bila man di, don kelen nɔgan ye». kɔro min b'o la, Benen bamɔnna ninnu ka lawale baara ye jegemine ye ni jirifaraw ni jiridiliw ye, minnu be jegew nɔnamini, walasa u ka se k'u minne nɔgoya la. O jirifaraw n'o jiridiliw fana be se ka jate posoni fe. Furance min b'u ni nɔgon ce, olu te jegew faga, i n'a fo kɔri furakelanw. Benen mara in ye kɔrisene yɔrɔba ye, min magone kɔri furakelan hake be ka bonya ka t'a fe, bawo hake in bora litiri 1.050.00 la ka se litiri 4.862.000 ma bi. Ni mara in ciklaw ma faamuya soro joona kɔri posoni kan, a laban bëna ke kasaarakoba ye Benen jamana bolo.

«SYFIA» Basiriki TURE

Féere soro la Mali cikeduguw yiriwali nafolo dunkojugu la.

Kabini duguyiriwatōnko daminena Mali kono, n'o tōnw bē wele ko «AW» (AV), sariya tara ka fangaso ni cikēbaaradaw kuntigiw bēs lajelen sen b'u ka nafolokow la jamana marabolo bēs kono. O de nana n'a tōnw nafolokow bilali y'u nēmōgōw yērew ka bolo kan. Olu de b'a nafolo boloda, ka ben ni dugumogōw sago ye. U bē baara ke jama de togo la. O kama, olu de b'e nafolo donyōrōko n'a bōyōrōko kalama, ka masoro jama ka danaya b'u kan. O de k'er'u sugandikun ye, k'u bila tōnw nēmōgōya la. O siratige la, olu de b'e tōndenw magoñefenw bēs san dugubaw kono, ka taa d'u ma f'u ka bugudaw la. Olu de b'e sannifeere ke. Olu de b'e nafolo sōrolen don dugu yiriwali baaraw dafé. O ye baaraw ye, minnu bē dantige dugumogōw fe, kene kelen kan, bēs nēna, ni bēs ka nafa b'ula. O b'in'a fōsumankisew ni kōoriw lamarayōrōw, n'o. ye magasanw ye, balikukalansow, lakolisow, jiginnisow, dōgōtōrōsow, santiriw ani jamalajeyōrōw, minnu bē jo tōnsigiw, ani sekow ni dōnkow gintanw kama, fōka sebalontanyōrōw ni farikolokēnyayōrōw ma. Dugu kelen kelen bēs b'a yēre ladilan, k'a kōnōmōgōw lafiya, ka d'u bololanafolo hake de kan. O nafolo jujōn ye soro cayali ye, sēnefēnko siratige la. Ni samiyē diyara, wari caman bē soro, juruw bē sara, baara caman bē ke dugu kono. Nin bēs de bē na ni dugutōnw nēmōgōw cēsirili ye soro yiriwalikow la. O de kama u ka taanikaseginw n'u ka donkabōw bēs nēsinnen bē cikēbaaraw nōgōyalim tōndenw bolo. O b'i n'a fō sumansi nūmanko, kōrisi nūmanko, nōgōko, furakēlānko, baarakēminēnko, ani cikēlaw lafaamuyalikālānko, fōka se kōkandēmeko ma. Féere o féere bē baara nōgōya, ka cikēlaw lafiya, wali n'a bē ke sababu ye ka wari ladon kesu kono, u b'o tige jama togo la, k'o

waleya f'o ka sira soro. O cogo de la, duguyiriwatōn dōw bololawari bē da nōgōn kan banki la, fo ka se sefawari miliyari (1.000.000.000) caman ma, san kono. O ka ca Mali kōrisēnē baarada «CMDT» ka dugulabennēnē de kono, n'olu bē Sikaso marabolo la, jamana woroduguyanfan fe, min ye togo ni nafolo soro kōrisēnē na, ka tēmen marabolotōwkan. Aduguyiriton lakodōnnēnēwhakēbōra 1.600la, kabini tumajan, ka se 2.000 ma sisan. Olu bololawariw bēs faralen nōgōn kan, sumansēnē ni kōrisēnē siratige la, o jate minena ka ben sefawari miliyari 150 de ma ninan san kono. O wari la, miliyari 50 sōrola kōri dōrōn na. O b'a jira ko kōri nafolo ka ca ni sēnefēn tōw nafolo bēs faralen ye nōgōn kan, n'o ye nō, malo, tiga, kaba, fini, so, ani dugujukōrōfēnwe, fōka se jiridenw nōkōfēnē ma. O de ye kōrisēnēnaw ke nafolobatigiw ye. O nafolow farali nōgon kan, k'u bila kesu kono, wali bankila, oyamaruya bētōnw nēmōgōw de bolo. Olu de b'u jate min, k'u boloda, ka musakaw b'a la, ka tōnden kelen-kelen bēs ta d'a ma, ka tōnō lamara. N'u y'a bila bolo min kan, o ye wulibaliye. Ote kōrōbo. Mōgōtē bōyōrō wēre ka n'u nininka, kuma tē ka n'u sēgesēgē. O de nana n'a caman farinyali ye, ka nafolo dunkojugu suguya bēs ke. U yēredamaw bē wari dōtila u ni nōgōn ce. O wari tē sara, ka masor'u b'a sēben k'a kera fēn balalen dō musaka ye. U bē fēnsanēbēnē nanbara, ka dō far'u songōw kan, k'o turu da gēleya kun. U bē sēben dilan fēn dōkama, ka sōr'o ma ke. U b'o wari labo, k'a tila. Fēn o fēn togo ye ko waribōda, u b'u ta sōr'o la. N'o wari nabaralen farala u yēre halalawari sōrolen kan, u bololawari bē caya, f'u bē fili u yēre ma. Mōgōw b'o dōn, ka masor'u ka dīnēlatige yēlēmacogo bē ka nē don o don ka t'a fe. Ni nanbara bē dogē ka mēen, hēre tē mēen dogo la cogo si la. O de kera tōnēmōgō

nanbaratō dōw ta ye, minnu ka yērējirawalew b'a jira ko siga t'u ka waridunna. O de kera tōnden caman tigēkun y'u la, fo dōw bōra u ka tōnw na, k'u yēre ta. Olu bolo, duguyiriwa nafoloko kera janfako ni dogonogōnnako ye. O kera sababu ye ka soro dōgoya yōrō caman na. «CMDT» nēmōgōw ka kōlōsi bōr'o de kan. O de kama, u ye féere soro waridunko ni nanbarakow la, n'o ye jantoli ye wari ladonnisebēnē n'a labōlisēbēnē ani fēnsanēbēnē dilancogow la, walasa o baara ka ke tīnē kono. O kōrō tē ko «CMDT» bē dugutōnbālik'usagonakow ke, nka, o sēbenkow lajeyali de bē yuruguyurugukow bō senna, n'o ye wari labōli ye nkalon kan, k'a dun. O siratige la, jatēminēmansin kelen sigira «CMDT» nēmōgōso la, Bamako, n'o bē wele ko «ōridinateri». O nōgōnna kelen sigira marabolo sugandilen folōw kono. O «ōridinateri» sigira kabini san 1992 la ni Faransi jamana ka dēmē ye. An bē waati min na sisan, dugutōn 2.000 de lakodōnnē bē. Nka, «ōridinateri» sigilen bē dugu 262 dōrōn de kono. A jirala ko sanni san 2000 ka se, a bē sigi dugu tōw bēs kono. U sigikun ye kōlōsili de ye, walasa ka tōnēmōgōw bali ka tīnēni ke. O siratige la, nanbarajate tē se ka sēben «ōridinateri» kono, n'a ma dōn Bamako. Yērōw ka jan nōgōn na cogo o cogo, «ōridanateri» bē jatēw ni kūnnafoniw lase nōgōn ma fīnē fe, i ko kumaw bē lase cogo min na telefoni na. Abaarajekulu mōgōfaamuya lenw n'u ka «ōridinateri» bē dugu minnu kono, olu ka nafolow bolodacogow bēs jēlen don. Nkalon kīsē kelen t'u ka wari bōkunw na. O de bē ka nīni Mali duguyiriwatōn kelen -kelen bēs fe. Ni nanbara tē wari bōkun na, o wari tē se ka dun cogo si la.

Fajigi Sinaba ni Solomani Watara
ani Amadu GANI Kante

«FMF» ka lajeba 32nan

Mali balontannaw ka kojenabō jekulu «FMF» y'a ka lajeba 32 nan ke, san 1998 nowanburukalo damine na. Jamana mara 8 ntolatan tōnw ka ciden yamaruyalenw bēs y'u ka san kétaw walawalan. Farikolojenajé sira kan, u sera ka fēn bolodalen minnu bō a sira fē, sanko a wariko, u y'u nēn don olu ni nogon ce.

An b'aw ladonniya ko «FMF» ka lajeba in nemogoya tun be Mali farikolojenajé minisiri Adama KONE bolo.

Tōnsigilaw ye yelema don u ka ton sariya do la, min nesinnen don balontannaw yelemaliko ma, ka b'u ka ton kōrōla, ka taa ton were la. Nogo min tun be ntolatannaw singaliko la, u y'o bo yen, k'a jira ko balontanna bē se ka singa ton were ma san fila dōron kōnō, min bē se ka lakuraya siñe kelenpe singaliketōn fē ni ton kōrō ka jen ye, sanni san zuwenkalo tile 30 ce. «FMF» ka lajeba ye fēn kura min naniya ta, o ye jamana ntolatan tōnw ka san kunbenw kēcogo ye, a bē fō min ma ko : «Shanpiyona». San 1998-1999 «Shanpiyona» kunbenw bēs bēna ke kulu kelen de kōnō, n'o bē wele ko «puli» kēlen. O ye fēn ye, min tun ninina a mēenna.

O temennen kō, tōn minnu jiginna, in'a fō Tumutu Alifaruki ni Moti Debo ka fara Gavo Soni kan, u da sera olu jiginniko ma «shanpiyona» janaw jukōrō. Min ye Bamako komini II ni Joyila tōnwyelenniye, ka kunjamana janaw la, a jirala ko nafa min b'o la, o ye tōnw taamaw musakaw dōgoyali ye. Laje senfē «FMF» yēs y'a tōgola kupu do da jamana ntolatan ton janaw bēs nogo ni 33w ce, n'a bora tōnw na, minnu sen be Afiriki tonjanaw ka kunbenwna, n'olu ye Joliba ni Esitadi ni Santiri Salifu Keyita ni Wisasqos ka balontan wōntan ye.

A jirala ko taakasegin te «FMF»



Amadou Jakite «FMF» kuntigi

ka kupu dalen na. Ekipu janā laban 4 de b'u kuwa da nogon na jōcō fōlō ni filanan nōfē. Sebaga bēna Mali jōcō fa Afiriki kupu do la, min bē wele ko «UFOA». «FMF» ye naniya kura ta funankēnīw ka ntolatanko yiriwali la Mali kōnō, min taara jamana mara 8 bēs ka ciden'yamaruyalenw jiminsira fē.

«FMF» ye sebē min dilan o hukumu kōnō, u y'u sinsin gelyaw kan, i n'a fō : faamuya scōbaliya denmisēnwfe balontankola, balontan minēnw sōngō gelyali u ma, funankēnīw labenbagaw galabu fagali, u k'olu ye fēn ye, minnu bē se ka dansigi balontan yiriwali la an ka jamana kōnō.

A jirala k'o gelyaw ni dēmē lakikaw lasebaliya denmisēnw ma u ka tōnw ni ntola kanubagaw bēs fē, joyorō ka bon kosebē bi balontan nagasili la Mali kōnō.



Fēsē caman bolodalen don «FMF» fē, denmisēnw labenni kama ntolatan yiriwali la an ka jamana kōnō. O bē damine u labenni na fōka taa se lakolidenw ka janakunbenw «Shanpiyona» wariko scōli ma ani ka ntolatankēne kuraw d'u ma. Fēsē dōbena tige balontan minenw laseliko la u ma nogoya la.

«FMF» y'a nini malidenwfe, sanko ntola kanubagaw u k'a laje ka ntolakalan lakoliso caman dayels ani an ka tōnbaw k'u bolo dōcōcō bē dījē ntolatan tōnbaw fē ani tōn lafasabagaw, se bē minnu ye k'an ka denmisēnw dēmē balontan yiriwali la.

Basiriki TURE.

TULON

Nin desen fila dilanbaga y'a dab'a kama, ka fili 10 k'u la. A'y'olu nini.



1-Jegē jekili. 2-Muscrs min be kūn na. 3-Jirifju. 4-Taafe nuguu dō. 5-Sigillan kurun. 6-Kamissi li negen. 7-Jirif min be numafe. 8-Sentontoli kelén. 9-Kinibolo. 10-

jaađi :

Afiriki funankéninw ka «KUPUDAFIRIKI»

Afiriki funankéninw ka balontan «KUPUDAFIRIKI» min bëna ke Gana jamana kan, k'a ta san 1999, feburuyekalo tile 21 na ka t'a bila marisikalo tile 7 la, o kalafili ye jaabi minnu di, olu file :

San 1999, feburuyekalo tile 21, Akara dugu kono:

- Gana ni mali
- Angola ni Kameruni

San 1999, feburuyekalo tile 22,

Kumasi dugu kono:

- Zanbi ni Malawi

- Gine ni Nizeriya
San 1999, feburuyekalo tile 24 :

- Mali Kameruni
- Angola ni Gana

San 1999, feburukalo tile 25 :

- Malawi ni Nizeriya
- Gine ni Zanbi

San 1999, feburuyekalo tile 27 :

- Mali ni Angola
- Kameruni ni Gana

San 1999, feburuyekalo tile 28 :

- Malawi ni Gine
- Nizeriya ni Zanbi

San 1999, marisikalo tile 4 :

- Gana 4 minnu tora, olu be nogon soro

San 1999, marisikalo tile 7 :

- Joyoro sabanan kunben
- Nanamine nanaw ka kunben (finali)

Mali samatasége mankanw ni Gana ni Angola ni Kameruni be kulu kelen na.

Kulu filanan ye Zanbi ni Malawi ni Lagine ni Nizeriya ye.

Malini Gana de be Afiriki balontanna mankanw ka kuwaba dayele, san 1999, feburuyekalo tile 21. Olu ka kulu dagayoro bëna ke Gana faaba ye, n'o ye Akara ye.

Kulu filanan dagayoro bëna ke Kumasi ye.

A jirala ko dije ntolatanna nana mankanw fana bëna nogon soro Nizeriya. Ohukumu kono, ni Nizeriya jamana yera Afiriki nana mankanw cema Gana janjo senfe, jamana fila minnu mana joyoro sabanan soro, olubëna katabaanani wuli, walasa Afiriki jamana naaninan ka dantigé, dije nanaaw ka kunben sira kan Nizeriya.

Basiriki TURE

"AMAP" kuntigi

Gawusu DARABO

Mali kanw kunnafonisébenw

baarada kuntigi

Nenze Samake

Kibaru

BP : 24 Téléfoni : 22-21-04

Kibaru Bugufiyé Bozola

Bamako - Mali

Dilanbagaw ni sébenbagaw kuntigi

Basiriki Ture

Sébenbagaw kuntigi

Badama Dukure

Labugunyoro: Kibaru gaédián baarada

Bolen Hake 16.000

Basiriki TURE

Sann 2002 «KUPUDAFIRIKI» BENA TAN MALI DUGU MINNU KONO

Mali ka san 2002 «KUPUDAFIRIKI» kojenabo jekulu «COCAN» tun ye nogondan do laben, san 1998, utikalo tile 22, jamana duguw ni nogon ce, wajibiya fen dow soroli la u bara, minnu be se k'u kelen-kelen bee yamaruya san 2002 «KUPUDAFIRIKI» ntolatan dow ka se ka k'u ka duguw kono.

O nogondan jaabiw dara malidenw bee tulo kan «COCAN» kuntigi Ibrahima MAKANGILE fe, san 1998, nowanburukalo tile 4 su, arajo ni telewison na. Jaabi ninnu kera balananko ye k'o sababu ke dugu 5 tali ye, k'a soro dugu 4 de tun fôra bee lajelen ye. Nka mogoo caman fana tun te min don, o ye Afiriki ntolatankow nenanboli jekuluba «CAF» ka jinita ye. «CAF» ya jira ko «KUPUDAFIRIKI» ka kan ka tan san 2002, Mali dugu minnu kono, o hake dogoyalenba de ka kan ka ben wajibiya la dugu 4 ma. A man kan ka jigin o jukoro, nk'a be se ka yelen o hake sanfe.

«COCAN» kuntigi Ibrahima MAKANGILE ya jira ko «COCAN» kojenabo jekulu jenna ni dugu minnu ka «KUPUDAFIRIKI» ntolatan labenw ye, nogondan kadara kono, k'olu ye :

Folo : Sikaso

Filanan : Moti

Sabanan : Bamako

Naaninan : Segu ni Kayi

Ibrahima MAKANGILE ka foli la, Segu ni Kayi keli naaninan ye nogonfe, o sababu bora «COCAN» ka jinitaw damakeneji la dugu fila ninnu kono, o de koso u fila bee sugandira ka san 2002 ntolatan kunben dow laben u ka duguw kono.

Hakililajigin na, dugu 8 de tun be nogondan in na, n'o ye : Bamako, Gwo, Kayi, Kulukoro, Moti, Segu, Sikaso ni Tumutu ye.

Jamana mara kelen min ma ye nogondan in na, o ye Kidali mara ye. O ya jira k'ale ma laben «KUPUDAFIRIKI» ntolatanw kama folo, bawo Kidali ye mara kura ye, fen caman te min kono.